



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-I/25-2-40-052-2/21**

Datum: **23.02.2021. godine**

«Agencija za vodno područje rijeke Save» Sarajevo, rješavajući po zahtjevu Begić Senada iz Nemile za donošenje rješenja o vodnoj saglasnosti za promet opasnih materija koje nakon upotrebe dopijevaju u vode i ispuštanje tehnoloških otpadnih voda sa lokaliteta pogona za proizvodnju sapuna, deterdženata i sredstava za čišćenje i poliranje koji se planira graditi u naselju Nemila, grad Zenica, na osnovu člana 109. stav (1) tačka 2. i 13. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), donosi

R J E Š E N J E **o vodnoj saglasnosti**

1. Begić Senadu iz Nemile, daje se vodna saglasnost za promet opasnih materija koje nakon upotrebe dopijevaju u vode i ispuštanje tehnoloških otpadnih voda sa lokaliteta pogona za proizvodnju sapuna, deterdženata i sredstava za čišćenje i poliranje koji se planira graditi na zemljištu označenom kao k.č. 584/1 i 585 K.O. Orahovičko polje, grad Zenica, a na osnovu projektne dokumentacije:
 - Glavni projekat – izvedeno stanje sa dopunom - vanjske hidroinstalacije – Proizvodnja sapuna, deterdženata i sredstava za čišćenje, Nemila, grad Zenica, broj: 02-IB-G/21 urađen januara 2021. godine od strane «IBIS» d.o.o. Zavidovići, revidovan od strane «HKP Consulting» d.o.o. Banja Luka.Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.
2. Projektna dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog rješenja.
3. Vodna saglasnost se donosi na osnovu pregleda dostavljene projektne dokumentacije iz tačke 1. ovog rješenja, utvrđenog činjeničnog stanja i pod sljedećim uslovima:
 - 3.1. Radove na izgradnji sistema za prikupljanje, odvodnju i zbrinjavanje otpadnih voda nastalih u tehnološkom procesu i postupku pranja i čišćenja objekata i opreme, izvesti u skladu sa ovjerenom projektnom dokumentacijom iz tačke 1. ovog Rješenja.
 - 3.2. Objekti za prikupljanje, odvođenje i zbrinjavanje tehnoloških otpadnih voda moraju se ispitati na vodonepropusnost.
 - 3.3. Investitor (korisnik vodne saglasnosti) je u obavezi da u skladu sa zakonodavstvom iz oblasti građenja angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 3.4. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim i postojeće korisnike voda.
 - 3.5. Prilikom izvođenja radova iskopani materijal se ne smije ni privremeno odlagati na česticu «vodno dobro», odnosno u vodotoke i na njegove obale.
4. Ukoliko se u toku izvođenja radova i korištenja predmetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procjenjenu štetu nadoknaditi.
5. Investitor je obavezan pridržavati se svih mjera i uslova, propisanih u ovoj vodnoj saglasnosti i saglasnostima izdatim od strane drugih nadležnih organa.

6. Po završetku izgradnje predmetnih radova i obavljenog tehničkog pregleda izvedenih radova, korisnik vodne saglasnosti će shodno članu 115. Zakona o vodama zatražiti izdavanje vodne vodne dozvole, a prije pribavljanja odobrenja za upotrebu objekata. Zahtjev se dostavlja u skladu sa članom 12. stav (3) i članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20).
7. Ova vodna saglasnost prestaje važiti istekom roka od dvije godine ukoliko u tom roku ne bude pribavljeno odobrenje za građenje i započeti radovi na izgradnji objekta u skladu sa glavnim projektom iz tačke 1. dispozitiva ovog rješenja.
8. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Begić Senad iz Nemile obratilo se ovoj Agenciji, dana 08.02.2021. godine, sa zahtjevom za donošenje rješenja o vodnoj saglasnosti za izgradnju pogona za proizvodnju sapuna, deterdžnata i sredstava za čišćenje i poliranje u naselju Nemila, grad Zenica, a u postupku pribavljanja odobrenja za građenje.

U provedenom postupku dostavljena je i pregledana sljedeća dokumentacija:

- Ovjerena kopija lične karte,
- Kopija Rješenja o prethodnoj vodnoj saglasnosti, broj: UP-I/25-1-40-697-5/17 izdatog 15.01.2017. godine od strane ove Agencije,
- Kopija Rješenja o urbanističkoj saglasnosti, broj: 03-23-858/17 izdatog 21.02.2018. godine od strane Službe za urbanizam, imovinsko –pravne, geodetske poslove i katastar nekretnina grada Zenica,
- Glavni projekat – izvedeno stanje sa dopunom - vanjske hidroinstalacije – Proizvodnja sapuna, deterdženata i sredstava za čišćenje, Nemila, grad Zenica, broj: 02-IB-G/21 urađen januara 2021. godine od strane «IBIS» d.o.o. Zavidovići,
- Izvještaj o izvršenoj kontroli tehničke dokumentacije - Glavni projekat – izvedeno stanje sa dopunom - vanjske hidroinstalacije – Proizvodnja sapuna, deterdženata i sredstava za čišćenje, urađen februara 2021. godine od strane «HKP Consulting» d.o.o. Banja Luka,
- Dokaz o uplati administrativne i upravne takse za izdavanje vodnog akta.

Uvidom u dostavljeni zahtjev i priloženu dokumentaciju utvrđeno je da uz zahtjev dostavljeni svi potrebni prilozi te je ovaj organ je u skladu sa odredbama zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U provedenom postupku konstatovano je sljedeće:

Pogon za proizvodnju sapuna, deterdženata i sredstava za čišćenje i poliranje planira se instalirati u postojeći stambeno-poslovni objekat u naselju Nemila, u ulici Patriotske lige bb, grad Zenica.

U procesu proizvodnje vršit će se razblaživanja koncentrovane aktivne materije (tzv. tenzida) sa čistom pitkom vodom u postupku laganog mješanja u mješalici u kojoj se vrši i skladištenje gotovog proizvoda. Za proizvodnju deterdženata će se koristiti biorazgradive sirovine koje su u vodenom rastvoru, prema proizvođačkoj deklaraciji iz EU, netoksične odnosno sigurne po okoliš.

Investitor je, za potrebe izrade projektne dokumentacije angažovao projektnu kuću «IBIS» d.o.o. Zavidovići, koja je uradila Glavni projekat – izvedeno stanje sa dopunom - vanjske hidroinstalacije, objekat: Proizvodnja sapuna, deterdženata i sredstava za čišćenje. Projekat je revidovan od strane firme «HKP Consulting» d.o.o. Banja Luka.

Projektne kuće «IBIS» d.o.o. Zavidovići i «HKP Consulting» d.o.o. Banja Luka posjeduju ovlaštenja za izradu projektne dokumentacije prema Pravilniku o uvjetima i kriterijima koje mora ispunjavati pravno lice za izradu dokumentacije («Službene novine Federacije BiH», broj 17/08 i 38/12).

Podnosilac zahtjeva je pribavio Rješenje o urbanističkoj saglasnosti od nadležnog organa čime se potvrđuje da predmetna lokacija nije u koliziji sa planskom dokumentacijom grada Zenica. Projektna dokumentacija urađena je u skladu sa uslovima iz Rješenja o prethodnoj vodnoj saglasnosti, izdatog od strane ovog organa, broj: UP-I/25-1-40-697-5/18 od 15.01.2018. godine, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju: Glavni projekat – izvedeno stanje sa dopunom - vanjske hidroinstalacije, objekat: Proizvodnja sapuna, deterdženata i sredstava za čišćenje Glavni projekat vanjskih hidroinstalacija, broj: 02-IB-G/21, urađen januara 2021.godine od strane «IBIS» d.o.o. Zavidovići, data vodna saglasnost na istu.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama člana 144. Zakona o vodama i članova 7. i 10. Pravilnika o sadržaju, obliku, uslovima, načinu izdavanja i čuvanja vodnih akata.

Podnosilac zahtjeva je uplatio upravnu i administrativnu taksu u iznosu od 60 plus 3 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Roksanda Školjić, dipl.ing.građ.

Prilog:

- Ovjereni projektna dokumentacija: Glavni projekat – izvedeno stanje sa dopunom - vanjske hidroinstalacije – Proizvodnja sapuna, deterdženata i sredstava za čišćenje, Nemila, grad Zenica, broj: 02-IB-G/21 urađen januara 2021. godine od strane «IBIS» d.o.o. Zavidovići,
- Izvještaj o izvršenoj kontroli tehničke dokumentacije - Glavni projekat – izvedeno stanje sa dopunom - vanjske hidroinstalacije – Proizvodnja sapuna, deterdženata i sredstava za čišćenje, urađen februara 2021. godine od strane «HKP Consulting» d.o.o. Banja Luka

Po ovlaštenju
Rukovodilac sektora za izdavanje vodnih akata

Haris Ališehović, dipl.inž.građ.

Dostaviti:

- Begić Senad (prilog)
Ul. Patriotske lige bb, 72242 Nemila
- AVP Sava, ISV-vodna knjiga
- Sektor 40 – arhiva
- Oglasna ploča – AVP Sava